

Na osnovu člana 143, a u skladu sa članom 146. stav (3) Zakona o srednjem obrazovanju ("Službene novine Kantona Sarajevo", broj: 23/17 i 30/19), člana 7. Pravilnika o izboru, kriterijima za izbor, nadležnostima i radu direktora srednjih škola ("Službene novine Kantona Sarajevo", broj: 46/18), Odluke Školskog odbora (broj: 01-1-355/2021 od 11.03.2021. godine), Školski odbor JU Srednja medicinska škola – Jezero Sarajevo raspisuje

JAVNI KONKURS

ZA IZBOR DIREKTORA

JU SREDNJA MEDICINSKA ŠKOLA - JEZERO SARAJEVO

I UVJETI ZA IZBOR

Kandidat za direktora dužan je ispunjavati sljedeće opće i posebne uvjete:

1. Opći uvjeti

- a) da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države, entiteta ili kantona) u periodu od tri godine od dana prijavljivanja na javni konkurs;
- b) da se na tog kandidata ne odnosi član IX 1. Ustava Bosne i Hercegovine;
- c) da nije osuđivan za krivično djelo i za privredni prestup nespojiv sa obavljanjem dužnosti direktora škole;
- d) da nema privatni finansijski interes u JU Srednja medicinska škola – Jezero Sarajevo, u kojoj se kandiduje za direktora.

2. Posebni uvjeti

- a) da ispunjava uvjete za nastavnika ili pedagoga škole,
- b) da ima najmanje osam (8) godina radnog iskustva i od toga najmanje pet (5) godina na poslovima u nastavi ili na pedagoško-psihološkim poslovima u stepenu stručne spreme koja se traži za radno mjesto,
- c) da ima najmanje VII stepen stručne spreme, odnosno završen najmanje II ciklus bolonjskog visokoobrazovnog procesa,
- d) da ima najmanje zvanje mentor.

Za direktora ne može biti imenovano:

- a) lice koje ima smetnje za imenovanje i obavljanje funkcije u skladu sa Zakonom o sukobu interesa u organima vlasti u Federaciji Bosne i Hercegovine Zakona o ministarskim, vladinim i drugim imenovanjima Federacije Bosne i Hercegovine,

b) lice za koje se odgovarajućom medicinskom procedurom utvrdi da je alkoholičar, odnosno ovisnik o narkoticima,

c) lice za koje se odgovarajućom medicinskom procedurom utvrdi da boluje od zarazne ili duševne bolesti,

d) lice protiv kojeg je potvrđena optužnica ili izrečena pravosnažna presuda ili mjera za jedno ili više krivičnih djela za koja se odredbama važećeg Krivičnog zakona Federacije Bosne i Hercegovine može izreći kazna zatvora u trajanju od tri mjeseca i više.

II SADRŽAJ PRIJAVE

Kandidati su dužni dostaviti sljedeću dokumentaciju (original ili ovjerenu kopiju):

- svojeručno potpisanu prijavu na javni konkurs, sa kontakt podacima (adresa stanovanja, broj telefona i e-mail adresa) i tačno navedenom dokumentacijom koja se prilaže na javni konkurs;

- biografiju;

- izvod iz matične knjige rođenih;

- uvjerenje o državljanstvu (ne starije od 6 mjeseci)

- dokaz o stručnoj spremi / diploma o završenom fakultetu;

- uvjerenje o položenom stručnom ispitu;

- dokaz o radnom iskustvu (najmanje osam godina radnog iskustva i od toga najmanje pet godina na poslovima u nastavi ili na pedagoško-psihološkim poslovima u stepenu stručne spreme koja se traži za radno mjesto), a koje podrazumijeva rad u nastavi sa sedmim stepenom stručne spreme, odnosno završenim najmanje II ciklusom bolonjskog visokoobrazovanog procesa (Uvjerenje/potvrda o radnom stažu i uvjerenje sa šifrom zanimanja koje izdaje fond za penzijsko-invalidsko osiguranje ili Uvjerenje/potvrda o ostvarenom radnom stažu kod poslodavca kod kojeg je kandidat radio sa tačno naznačenim poslovima, radnim zadacima te godinama i mjesecima radnog staža);

- rješenje o sticanju stručnog zvanja (najmanje zvanje mentor);

- uvjerenje (koje izdaje nadležni sud) da protiv lica koje konkuriše za direktora nije potvrđena optužnica ili izrečena pravosnažna presuda ili mjera za jedno ili više krivičnih djela za koja se odredbama važećeg Krivičnog zakona Federacije Bosne i Hercegovine može izreći kazna zatvora u trajanju od tri mjeseca i više (ne starije od 3 mjeseca)

- pisani razvojni plan i program JU Srednja medicinska škola – Jezero Sarajevo za mandatni period;

- potpisane i ovjerene izjave od strane nadležne Općinske službe kojom kandidat potvrđuje sljedeće:

- a) da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države, entiteta ili kantona) u periodu od 3 godine od dana prijavljivanja na javni konkurs;
- b) da se na kandidata ne odnosi član IX 1. Ustava Bosne i Hercegovine;
- c) da nije osuđivan za krivično djelo i za privredni prestup nespojiv sa obavljanjem dužnosti direktora škole;
- d) da nema privatni finansijski interes u JU Srednja medicinska škola – Jezero Sarajevo u kojoj se kandiduje na mjesto direktora;
- e) da nema smetnje za imenovanje i obavljanje funkcije u skladu sa Zakonom o sukobu interesa u organima vlasti u Federaciji Bosne i Hercegovine Zakona o ministraskim, vladinim i drugim imenovanjima Federacije Bosne i Hercegovine.

Direktora JU Srednja medicinska škola – Jezero Sarajevo imenuje i razrješava Školski odbor JU Srednja medicinska škola – Jezero Sarajevo na osnovu javnog konkursa i uz saglasnost Vlade. Direktor se imenuje na mandatni period od 4 (četiri) godine.

III DOSTAVLJANJE PRIJAVA I TRAŽENIH DOKAZA

Prijave sa dokazima o ispunjavanju uvjeta dostaviti najkasnije sa danom 27.03.2021. godine poštom preporučeno ili u zatvorenoj kovrti na protokol škole, na adresu:

JU Srednja medicinska škola – Jezero Sarajevo

Ul. Patriotske lige 67a,

71000 Sarajevo

sa naznakom

"Prijava na javni konkurs za izbor direktora – ne otvarati (Otvora Školski odbor)".

IV OBAVJEŠTAVANJE KANDIDATA

Školski odbor će pisanim putem obavijestiti sve kandidate koji su se prijavili na konkurs o Odluci o imenovanju direktora, u roku od 8 (osam) dana od dana donošenja odluke.

V ROK

Konkurs će biti otvoren 15 (petnaest) dana od dana objavljivanja.

Konkurs će biti objavljen na web stranici Ministarstva za odgoj i obrazovanje Kantona Sarajevo i u dnevnom listu "Oslobođenje" dana 12.03.2021. godine. Nepotpune i neblagovremene prijave, prijave kandidata koji ne ispunjavaju uslove konkursa, fotokopije dokumentacije koje nisu ovjerene kao i izjave kandidata koje nisu ovjerene od strane nadležnog organa, neće se uzeti u razmatranje.

NAPOMENA

Kriteriji, procedure, uvjeti, način izbora i imenovanja direktora JU Srednja medicinska škola – Jezero Sarajevo, utvrđeni su Pravilnikom o izboru, kriterijima za izbor, nadležnostima i radu direktora srednjih škola ("Službene novine Kantona Sarajevo", broj: 46/18).

Izabrani kandidat će ljeakarsko uvjerenje (ne starije od šest mjeseci) i ovjerenu izjavu kod nadležnog organa da ispunjava uvjete utvrđene članom 146. stav (12) tačka a) i b) Zakona o srednjem obrazovanju ("Službene novine Kantona Sarajevo", broj: 23/17 i 30/19) biti obavezan dostaviti po izboru, a prije imenovanja na funkciju direktora ove Javne ustanove.

Izrazi koji se koriste u ovom Javnom konkursu u značenju jednog roda, odnose se jednako na muški i na ženski rod.